



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13), a u skladu sa članom 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH», broj: 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2014. GODINU HRVATSKE SELJAČKE STRANKE STJEPANA RADIĆA

Broj: 03-07-6-267/15
Sarajevo, 30.03.2016. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI.....	5
5.2.PREPORUKE	7

MIŠLJENJE REVIZORA

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Hrvatske seljačke stranke Stjepana Radića za 2014. godinu i postizbornog finansijskog izvještaja- Opći izbori 2014.godine.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka i odredbama poglavlja 15. Izbornog zakona Bosne i Hercegovine, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Pregledom godišnjeg finansijskog izvještaja za 2014. godinu, utvrđeno je da je Hrvatska seljačka stranka Stjepana Radića prekršila odredbe člana 11. i člana 12. stav (1) i stav (3) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka, niti na finansiranje troškova izborne kampanje suprotno odredbama člana 15.10 Izbornog zakona Bosne i Hercegovine.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Hrvatske seljačke stranke Stjepana Radića i postizbornog finansijskog izvještaja-Opći izbori 2014. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Hrvatska seljačka stranka Stjepana Radića se finansirala iz sljedećih izvora:

	Izvori finansiranja	Iznos (KM)	Učešće u izvorima finansiranja (%)
1.	Članarina	0,00	0,00%
2.	Prilozi fizičkih lica (3-a)	0,00	0,00%
3.	Prilozi pravnih lica (3-b)	1.600,00	3,72%
4.	Prihodi od imovine (3-c)	0,00	0,00%
5.	Prihodi od pr.lica (3-d)	0,00	0,00%
6.	Prihodi od poklona (3-e)	0,00	0,00%
7.	Prihodi iz budžeta (3-f)	41.384,19	96,28%
8.	Prihodi od propag. (3-g)	0,00	0,00%
9.	Ostali prihodi	0,00	0,00%
I	Ukupni prihodi (1-9)	42.984,19	100,00%
II	Kreditno zaduženje kod banaka	0,00	0,00%
	Izvori finansiranja (I+II)	42.984,19	100,00%

U godišnjem finansijskom izvještaju za 2014. godinu Hrvatska seljačka stranka Stjepana Radića iskazala je rashode u iznosu od 40.029,96 KM.

2. PREDSTAVLJANJE POLITIČKE STRANKE

Naziv političke stranke: Hrvatska seljačka stranka Stjepana Radića. Skraćeni naziv stranke: HSS Stjepana Radića.

Hrvatska seljačka stranka Stjepana Radića upisana je u registar političkih organizacija kod Općinskog suda u Travniku, rješenjem broj: 051-0-F1-12-000001 od 04.04.2012. godine.

Sjedište političke stranke je u Novom Travniku, Stjepana Radića bb.

Lica ovlaštena za zastupanje stranke su Josipa Katava, predsjednik i Anto Lozančić, član predsjedništva.

Lice ovlašteno za podnošenje finansijskih izvještaja za 2014. godinu je Anto Lozančić.

Prema podacima iz godišnjeg finansijskog izvještaja za 2014. godinu, Hrvatska seljačka stranka Stjepana Radića ima sljedeću organizacionu strukturu:

- Središnjica-Predsjedništvo,
- 2 županijska/kantonalna odbora i
- 6 općinskih odbora.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Hrvatske seljačke stranke Stjepana Radića za 2014. godinu i postizborni finansijski izvještaj-Opći izbori 2014. godine.

Cilj pregleda i kontrole je da revizor na bazi finansijskog izvještaja pokuša da ustanovi da li je Hrvatska seljačka stranka Stjepana Radića u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona Bosne i Hercegovine. Ukoliko revizor na bazi kontrole finansijskog izvještaja utvrdi određena kršenja Zakona, ocjenjuje da li je potrebno izvršiti reviziju u prostorijama političke stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Hrvatske seljačke stranke Stjepana Radića obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Pregled finansijskih izvještaja Hrvatske seljačke stranke Stjepana Radića izvršen je u periodu od 2012. do 2013. godine, nakon čega su izdati izvještaji o pregledu sa mišljenjem, nalazima i preporukama revizora.

Nakon izvršenog pregleda godišnjeg finansijskog izvještaja za 2013. godinu, Služba za reviziju je izdala Izvještaj o pregledu godišnjeg finansijskog izvještaja Hrvatske seljačke stranke Stjepana Radića sa mišljenjem revizora, nalazima revizije i preporukama stranci da vodi poslovne knjige u skladu sa odredbama Zakona o računovodstvu i reviziji Federacije Bosne i Hercegovine, da vodi evidencije o rashodima, da finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka, da poštuje i druge zakone, prevashodno poreske. Takođe su date preporuke stranci da poslovanje gotovinom putem blagajne svede na najmanju mjeru, te da naknade isplaćuje sa transakcijskog računa na tekuće račune fizičkih lica.

Nerealizovane preporuke:

Na osnovu uočenih nedostataka u godišnjem finansijskom izvještaju za 2014. godinu, utvrđeno je da je Hrvatska seljačka stranka Stjepana Radića djelimično ispoštovala date preporuke.

5. NALAZI I PREPORUKE

5.1. NALAZI

Hrvatska seljačka stranka Stjepana Radića prekršila je odredbe člana 11. i člana 12. stav (1) i stav (3) Zakona o finansiranju političkih stranaka.

Na osnovu obavljenog pregleda godišnjeg finansijskog izvještaja i dodatne finansijske dokumentacije, utvrđeno je da Hrvatska seljačka stranka Stjepana Radića nije pravilno evidentirala prihode i rashode i finansijski izvještaj nije podnijela u formi koju je propisala Centralna izborna komisija Bosne i Hercegovine, čime je prekršila odredba odredbe člana 11. i člana 12. stav (1) i stav i stav (3) Zakona o finansiranju političkih stranaka.

- (1) Služba za reviziju je utvrdila da je HSS Stjepana Radića u obrascu 3-f (prihodi iz budžeta) godišnjeg finansijskog izvještaja iskazala prihode u iznosu od 31.384,19 KM, dok je na obrascu 3 (ukupni prihodi političke stranke) iskazala prihode iz budžeta u iznosu od 41.384,19 KM, odnosno više za 10.000,00 KM.

Kontrolom prometa izvoda sa transakcijskog računa broj: 3060262620469895 otvorenog kod „Hypo Alpe Adria banke“, utvrđeno je da su stranci iz budžeta Ministarstva finansija i trezora BiH uplaćena sredstva po osnovu povrata takse za izbore u iznosu od 10.000,00 KM.¹

Vraćena sredstva za uplaćenu taksu ne predstavljaju budžetska sredstva, te je stranka na taj način i svoje ukupne prihode u poslovnim knjigama i obrascu 3 iskazala u većem iznosu od ostvarenih za 10.000,00 KM, čime je prekršila odredbe 13. Pravilnika o godišnjim finansijskim izvještajima političkih stranaka-u daljem tekstu: Pravilnik.

- (2) Služba za reviziju je utvrdila da je HSS Stjepana Radića u obrascu 4.1 (režijsko-administrativni i ostali troškovi) godišnjeg finansijskog izvještaja iskazala troškove kotizacije u iznosu od 14.000,00 KM, odnosno ukupne rashode iskazala u većem iznosu za 10.000,00 KM, što je suprotno odredbama člana 21. i člana 22. Pravilnika.

Kontrolom iskazanih troškova na obrascu 4.1 finansijskog izvještaja, utvrđeno je da je stranka iskazala troškove kotizacije za izbore u iznosu od 14.000,00 KM. Kako su stranci vraćena sredstva takse u iznosu od 10.000,00 KM, stranka je troškove kotizacije za izbore ostvarila u iznosu od 4.000,00 KM, a ne u iznosu od 14.000,00 KM, koliko je iskazala na pomenutom obrascu.

- (3) Hrvatska seljačka stranka Stjepana Radića nije u skladu sa poreskim propisima obračunala i uplatila porez na dohodak i pripadajuće doprinose na sredstva isplaćena fizičkim licima po osnovu socijalne pomoći u iznosu od 3.116,00 KM, stipendija u iznosu od 1.600,00 KM te na dnevnice posmatračima i za sjednice u iznosu od 3.350,00 KM, niti je u finansijskom izvještaju iskazala troškove i obaveze po ovom osnovu, čime je prekršila odredbe člana 12. stav (1) i stav (3) Zakona o finansiranju političkih stranaka.

Kontrolom dodatne finansijske dokumentacije utvrđeno je da je HSS Stjepana Radića na osnovu Odluke² izvršila isplatu jednokratne pomoći za petnaest (15) porodica u ukupnom iznosu od 3.116,00 KM, te da je na osnovu Odluke³ izvršila isplatu pomoći za studiranje-stipendije za četiri (4) fizička lica u ukupnom iznosu od 1.600,00 KM.

Takođe kontrolom dodatne finansijske dokumentacije (Dnevnika blagajne, priznanica, spiskovi isplata i dr.) utvrđeno je da je stranka vršila isplate dnevnica posmatračima stranke u ukupnom iznosu od 3.350,00 KM.

Obzirom da sredstva isplaćena fizičkim licima imaju karakter ličnih primanja, stranka je imala obavezu da, u skladu sa poreskim propisima, na sredstva isplaćena fizičkim licima po osnovu odluka, obračuna i uplati porez i doprinose.

Pogrešno iskazivanje prihoda i rashoda u godišnjem finansijskom izvještaju i godišnjem obračunu stranke ukazuje da stranka nije vodila poslovne knjige u skladu sa odredbama Zakona o računovodstvu i reviziji Federacije Bosne i Hercegovine, čime je prekršila odredbe člana 11. Zakona o finansiranju političkih stranaka.

¹ Izvod br. 83.

² Odluka o isplati jednokratne pomoći br. 01/14 od 14.01.2014. godine.

³ Odluka o dodijeli pomoći za studiranje br. 02/14 od 14.01.2014. godine.

Troškovi predizborne kampanje

Prema odredbama člana 15.10 Izbornog zakona Bosne i Hercegovine politička stranka za potrebe izborne kampanje ne smije potrošiti više od 0,30 odnosno 0,20 KM⁴ po biraču u svakom izbornom krugu, prema broju birača koje je objavila Centralna izborna komisija BiH. Prema podacima Centralne izborne komisije Bosne i Hercegovine, Hrvatska seljačka stranka Stjepana Radića je u svrhu izborne kampanje mogla da potroši 169.848,70 KM.

Hrvatska seljačka stranka Stjepana Radića u godišnjem finansijskom izvještaju iskazala je troškove izborne kampanje u iznosu od 8.193,36 KM.

5.2.PREPORUKE

Preporučuje se Hrvatskoj seljačkoj stranci Stjepana Radića da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da vodi poslovne knjige u skladu sa odredbama Zakona o računovodstvu i reviziji Federacije Bosne i Hercegovine, odnosno da vodi pravilne evidencije o prihodima i rashodima,*
- *da finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka i*
- *da poštuje i druge zakone, prevashodno poreske.*

KOMENTAR

U ostavljenom roku, Hrvatska seljačka stranka Stjepana Radića nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2014. godinu.

šef Odsjeka za revizijske poslove

Sanja Tošović

Revizor

Nevenko Andan

šef Službe za reviziju

mr. sc. Hasida Gušić

⁴ Član 15.10 stav (2) propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.